

vel differri, & de qua, cujusque toto tenore habenda sit in nostris literis mentio specialis. Aut si dictus Antonius præsens non fuerit ad præstandum de observandis statutis & consuetudinibus dictæ Ecclesiæ S. Cassiani solitum juramentum, dummodo in absentia sua per procuratorem idoneum, & cum ad Ecclesiam ipsam accesserit corporaliter illud præstet. Seu quod dictus Antonius, ut etiam asserit, plebanatum præfatæ Ecclesiæ S. Mariæ noscitur obtinere.

Volumus autem, quod dictus Antonius quamprimum vigore præsentium dictum plebanatum S. Cassiani fuerit pacifice assequutus, plebanatum Ecclesiæ S. Mariæ prædictæ, quem ex tunc vacare decernimus, omnino, prout ad id se sponte obtulit, dimittere teneatur. Et insuper, prout est, irritum decernimus & inane, si secus super his a quoquam quavis auctoritate, scienter vel ignoranter attemptatum forsitan est hactenus, vel imposterum contigerit attemptari.

Datum Romæ apud S. Petrum, anno Inc. Dominicæ millesimo quadringentesimo trigesimo secundo, septimo Kal. Septemb. pontificatus nostri anno secundo.

505) Quas quidem Literas Apostolicas præfatus D. Plebanus cum ea, qua decuit, reverentia recepit & acceptavit, & reverenter ac diligenter mandata Apostolica se exsecuturum esse obtulit.

506) Eisdem anno, mense, Indictione, die, pontificatu, comparuit coram præfato D. Nicolao de Cursio exsecutore memorato superscriptus D. Antonius q:^m Michaelis, & humiliter supplicavit eidem D. Exsecutori Apostolico, quatenus dignaretur